

вѣрье. Вѣра бо твоя, рече,¹⁵⁹ спасетъ тя; все бо¹⁶⁰ вѣрующему дается. Того стебла¹⁶¹ многи и различны¹⁶² вѣтви — мнози бо, рече, образи покаяния: слезы, пост, молитва чиста,¹⁶³ милостыни, смирение, вздыхания и прокая. Тѣх вѣтвий¹⁶⁴ добродѣтелей плод: любви, послушанье, покорение, нищелюбие — мнози бо суть путы спасения. Вижь, яко не в рай бѣ животное древо, ни¹⁶⁵ в едемѣ, но во оземьствии, рекше¹⁶⁶ отлучении сана.¹⁶⁷ Изрину¹⁶⁸ паки и Каина, въпросив его убийства брата, и по обличении показа ему животное древо, рекъ сице: Будий стоя и трясайся, сирѣчь покайся о злобѣ, о зависти, о лъсти, о убийствѣ, о лжи, смирися, постися, бди, на земли лежи. Но понеже сего не створи, но изиде от лица божия — недалствомъ земля,¹⁶⁹ но неимѣнемъ¹⁷⁰ страха божия при свои души. Благым¹⁷¹ дѣлом не сущим в нас, ни покаянию о грѣсѣх, в коем си¹⁷² сану будем,¹⁷³ далече [л. 238 об.] бога есмы. Близъ бо господь скрушенныхъ сердцемъ;¹⁷⁴ смиренныя духомъ спасеть, волю боящихся его створить.¹⁷⁵ Лице же господне на творящая злая: потребити от земли память их.¹⁷⁶ Сице и Павел изринул от святаго жертвеника Уменѣя и Филита и съблудившая в Коринфи священники и оземьствова я противу¹⁷⁷ святу олтарю, сирѣчь постави я с клирики, рекъ: Имѣйте таковыя на студ, но утвердите к ним любовь, да не погрязнуть злою печалью, но да ся покають и живи будутъ.¹⁷⁸ Не всхотѣ сего древа животного вкусити Александро ковачь, о нем же рече Павел: Да вздасть ему господь в день судный по злобѣ его. Не вкуси того древа Трефис ефесин¹⁷⁹ и Николае. Быв от семи дьякон, иже отвергъся Христа и быв¹⁸⁰ кумирожрецъ в Селуни, а он¹⁸¹ предаваше мучителемъ крестьяны, о нею же пишетъ Иоан, глагола: От нас изидоша и быша на ны. Того породнаго¹⁸² не приимше еретици; прокляти быша и умроша душевною смертию, не разумѣша бо пророка глаголюща: Вкусите и видите,¹⁸³ яко благъ господь. Нѣст бо грѣха, иже словетъ божии милости [л. 239]. Точью не отчаим себе, яко Июда; ни невѣруимъ телесному въскресению, аки садукѣи, — но покайнемъ толцѣмъ в божия двери, дондѣже отверзеть намъ райская врата. Не ложъ бо¹⁸⁴ реки господь:¹⁸⁵ Толцѣте,¹⁸⁶ отверзетъ вам; ищѣте и обряцете; просите и дасться вам.¹⁸⁷ Но да не предложениемъ¹⁸⁸ словес умножи писанье и зѣло предложю бесѣду, но на предъреченая възвратимъся.¹⁸⁹

Видѣвъ же онъ челоуѣкъ свой окраденъ виноградъ, въсхотѣ отлучити¹⁹⁰ слѣпца от хромца,¹⁹¹ — повелѣ первое привести слѣпца, да его опитаеть, кто есть преслушалъ заповѣдь его и присягъ к невходнымъ¹⁹² бесъповѣдннхъ его. Ничто же бо възможетъ божия таятися ока, и никто же насъ тако свѣсть себе, яко же богъ всѣхъ насъ свѣсть.

Ⓓ. Повелѣ разлучити богъ¹⁹³ душу от тѣла. Словомъ бо божиимъ ис[х]одитъ¹⁹⁴ от тѣла душа: и¹⁹⁵ отимеши бо, рече, дух их и ищезнутъ и в персть свою възвратятся. Да егда¹⁹⁶ видиши тѣло погребено в земли, не мни ту суща и душа: не от земли бо есть душа, ни в землю входить. Но аще и святыхъ видиши чудотворныя мощи, не ту ихъ твори¹⁹⁷ душа, но божию

¹⁵⁹ Нет ЧТ. ¹⁶⁰ все бо ГТ; в ркл. всему. ¹⁶¹⁻¹⁶² многообразны ЧТ. ¹⁶³ Нет ЧТ.
¹⁶⁴ Доб. и ЧТ. ¹⁶⁵ и Ч. ¹⁶⁶ Доб. в Ч. ¹⁶⁷ Доб. и Ч. ¹⁶⁸ Доб. и Ч.
¹⁶⁹⁻¹⁷⁰ но неимѣнемъ ЧТ; в ркл. по неимѣнне. ¹⁷¹ Доб. бо ЧТ. ¹⁷² Доб. любо Т.
¹⁷³ будем ЧТ; в ркл. идем. ¹⁷⁴ Доб. и ЧТ. ¹⁷⁵ Доб. и молитву их услышит Т.
¹⁷⁶ Доб. В ту же мѣру изгонѣ Т. ¹⁷⁷ Нет Т. ¹⁷⁸ Доб. О дрѣвѣ животнѣмъ Т.
¹⁷⁹ ефисѣяннхъ Т. ¹⁸⁰ бысть ЧТ. ¹⁸¹ а он ЧТ; в ркл. ан. ¹⁸² Доб. дрѣва Т.
¹⁸³ увѣдѣте Т. ¹⁸⁴ Доб. есть ЧТ. ¹⁸⁵ Нет ЧТ. ¹⁸⁶ Доб. и Т. ¹⁸⁷⁻¹⁸⁸ не продолжение Ч; но да не продолжениемъ Т; в ркл. но да предложениемъ.
¹⁸⁹ Доб. О тѣлѣ и о души и о смерти Т. ¹⁹⁰ разлучити Т. ¹⁹¹ Доб. и ЧТ. ¹⁹² невходнымъ ЧТ; в ркл. неугоднымъ. ¹⁹³ Нет ЧТ. ¹⁹⁴ Доб. бо Ч. ¹⁹⁵ Нет ЧТ. ¹⁹⁶ когда Ч.
¹⁹⁷ Доб. и ЧТ.